

Segun diferente radioyente local:

Radioemisora na Coro a divulga cu na Las Piedras nan a haya un man!


No ta descarta cu e por ta di Natalee!

ORANJESTAD (AAN) — Diferente persona na Aruba cu ta sintoniza radioemisoranan di Venezuela, riba frecuencia AM, a yama nos redaccion pa conta nos riba un noticia cu nan a scucha for di un radio na Coro, relaciona cu un man cu e olanan di lama a lastra te na tera na Las Piedras. Esaki a sosode den fin di siman, y segun e informacion e man aki no ta parece di un piscador pero mas bien ta parece di un hende muher hoben y tin cierto caracteristicanan cu a duna di pensa bon e por ta di Natalee Holloway. Den e noticiario aki, den fin di siman, nan a bisa cu autoridadnan di Coro lo tuma contacto cu autoridadnan di

Aruba, pero DIARIO no tin indicacion ainda si esaki tabata e caso.

Aunke e por ta tambe e man di algun di e personanan cu a naufraga y muri hoga den nan intento pa drenta Aruba ilegalmente, tambe no por descarta e posibilidad cu e man por pertenece na e hoben Mericano cu a disparce riba nos Isla.

Si lo resulta cu esaki ta e caso hopi pregunta lo bin acerca. Un hipotesis por ta cu e hoben por a mira cualkier "movencion straño" for di algun boto cu a yega costa y cu nan a secuestra e hoben y a deshaci di dje pasobra e por a mira algo ilegal sosode, of cu esun di ken of kendenan e por a bira victima di abuso sexual y maltrato, a usa (of paga)



doño di un boto pa tira e culpa den lama, na un distancia considerable for di Aruba. Pero esaki ta solamente hipotesis pasobra ainda no por a confirma oficialmente cu autoridadnan di Venezuela tocante e noticia cu a



worde pasa na radio na Coro, y cu diferente hende cu ta sintoniza e frecuencia AM aki na Aruba, a scucha. No mester lubida cu e noticia riba e desaparicion di Natalee a recore henter mundo, y cu den e paisnan bisña, tanto Venezuela como Colombia, nan ta sigui cu atencion via CNN tur loko tin di haber cu e hoben Mericano aki y e

desaroyo di e caso.

Peşey, cualkier hallazgo cu por aparece den un di e paisnan mas cerca di Aruba ta capta nan atencion y interes tanto di e ciudadanonan como di autoridadnan, y den e caso aki dentro di e posibilidadnan cu por tin, esun cu e man por ta di Natalee tambe a worde menciona.